

Na temelju člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj: 35/05), a u skladu sa Odlukom o usvajanju Programa utroška sredstava sa kriterijima raspodjele sredstava tekućih transfera utvrđenih Budžetom Federacije Bosne i Hercegovine za 2025. godinu Federalnom ministarstvu kulture i sporta - Federalnom ministarstvu kulture i športa („Službene novine Federacije BiH“, broj: 39/25), federalna ministrica kulture i sporta objavljuje

JAVNI POZIV

za odabir partnerske organizacije Federalnog ministarstva kulture i sporta za stručnu i administrativno tehničku podršku Savjetu za mlade Federacije BiH

Sredstva za sufinansiranje programa dodijelit će se u skladu sa Odlukom o usvajanju Programa utroška sredstava i kriterijima raspodjele sredstava tekućeg transfera – Transfer za mlade, utvrđenog Budžetom Federacije Bosne i Hercegovine za 2025. godinu Federalnom ministarstvu kulture i sporta - Federalnom ministarstvu kulture i športa.

Ukupan iznos raspoloživih sredstava: 30.000,00 KM i bira se jedna partnerska organizacija.

I Odabir za programe i projekte vršit će se za sljedeću namjenu:

1. Finansiranje uspostavljanja i rada Savjeta za mlade Federacije BiH

II Pravo podnošenja zahtjeva

Pravo podnošenja zahtjeva na ovaj Javni poziv imaju organizacije, udruženja i drugi nosioci koji obavljaju djelatnosti najmanje deset godina u oblasti mladih i omladinskog aktivizma ili strateškog planiranja registrirani u Federaciji Bosne i Hercegovine, izuzev privatnih organizacija osnovanih s ciljem ostvarivanja profita.

III Kriteriji za odabir partnerske organizacije

1. Iskustvo u oblasti omladinske politike i ostvarena saradnja s međunarodnim organizacijama od minimalno 10 godina,
2. Učešće u kreiranju javnih politika za mlade na teritoriji BiH,
3. Iskustvo u mentorskoj podršci tokom izrade zakonskih ili programskih dokumenata na nivou Federacije BiH,
4. Organizacioni kapacitet pravnog lica koji podrazumijeva stručne, tehničke i računovodstvene poslove,
5. Finansijska održivost i stabilnost organizacije (pozitivan godišnji finansijski izvještaj, stabilni izvori financiranja).

IV Uvjeti za uspostavljanje partnerstva i dodjelu sredstava za program

1. Potrebno je da aplikanti pripreme Prijedlog mentorske i stručne podrške za uspostavljanje Savjeta za mlade Federacije BiH, koji će sadržavati: mapiranje politika za mlade na nivou Federacije BiH, prijedlog Poslovnika o radu Savjeta, Prijedlog rada Savjeta do 2026. godine, način isplate naknade članovima Savjeta te dinamički plan rada Federalnog ministarstva kulture i sporta na uspostavljanju Savjeta za mlade Federacije BiH.

VI Dokumentacija

1. Prijava, potpisana i ovjerena pečatom pravne osobe (original);
2. Uvjerenje o poreznoj registraciji - identifikacijski broj (kopija);
3. Rješenje o razvrstavanju - klasifikacija djelatnosti (original ili ovjerena kopija);
4. Uvjerenje porezne uprave o izmirenim poreskim obavezama aplikanta ne starije od šest mjeseci do dana objave javnog poziva (original ili ovjerena kopija);
5. Aktuelni izvod iz registra u kome je aplikant registriran, ne stariji od šest mjeseci do dana objave javnog poziva (original ili ovjerena kopija);
6. Potvrda banke u kojoj je navedeno da račun nije blokiran iz koje se vidi broj transakcijskog računa i ID broj korisnika, ne starija od šest mjeseci do dana objave javnog poziva (original ili ovjerena kopija);
7. Prijedlog mentorske i stručne podrške za uspostavljanje Savjeta za mlade Federacije BiH s okvirnim finansijskim planom;
8. Bilans stanja i bilans uspjeha ili račun prihoda i rashoda za 2024. godinu, sa vidljivim pečatom Finansijsko informatičke agencije (original ili ovjerena kopija);
9. Popis realiziranih projekata iz prethodnog perioda s dokazima o realizaciji bez obzira na to od koga su sredstva dobivena (mogu se dostaviti potvrde o prethodno realiziranim projektima izdanim od strane finansijera te ugovori ili odluke o dodijeli sredstava).

DOSTAVLJANJE DOKUMENTACIJE

Sva zainteresirana pravna lica koja ispunjavaju uvjete tražene ovim Javnim pozivom, svoj Program zajedno sa traženom dokumentacijom, trebaju dostaviti na adresu:

**Federalno ministarstvo kulture i sporta -
Federalno ministarstvo kulture i športa**

Obala Maka Dizdara 2
71 000 Sarajevo

NE OTVARATI – ZA JAVNI POZIV „Transfer za mlade“

Prijave se mogu isključivo predati putem pošte zaključno sa 29. 10. 2025. godine.

UPUTSTVO APLIKANTIMA

- Prijave koje nisu dostavljene na propisanom obrascu, netočne i nepotpune prijave i prijave koje nisu dostavljene u navedenom roku, neće biti razmatrane.
- Prijave korisnika koji nisu opravdali namjenski utrošak sredstava dodijeljenih od strane Federalnog ministarstva kulture i sporta u posljednje tri godine, do dana objave ovog javnog poziva, neće biti razmatrane.
- Potvrda od banke koja ne sadrži identifikacijski broj aplikanta, transakcijski račun aplikanta i izjavu o aktivnosti računa aplikanta se neće prihvaćati.
- U toku realizacije projekta bilo koja promjena adrese, broja telefona, faksa ili promjene kontakta, ovlaštene osobe ili broja računa kod banke, mora se dostaviti u pisanoj formi ovom Ministarstvu. Federalno ministarstvo kulture i sporta se neće smatrati odgovornim u slučaju da ne uspije kontaktirati aplikanta.
- O rezultatima javnog poziva aplikanti će biti obaviješteni putem web stranice <http://fmks.gov.ba> u roku od 15 dana od dana zatvaranja javnog poziva.
- Svaki član komisije će biti isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnositelji prijave imaju mogućnost prijaviti sumnju na postojanje sukoba interesa, o kojem će davatelj budžetskih sredstava odlučivati pojedinačno o svakoj prijavi.
- Podnositeljima prijava po javnom pozivu dopušta se izjavljivanje prigovora u roku od pet dana od dana objave rezultata.
- Federalno ministarstvo kulture i sporta zadržava mogućnost da od aplikanta koji uđu u uži krug za odabir projekata zatraži i usmenu prezentaciju programa, o čemu će aplikanti biti blagovremeno obaviješteni.